



UNIVERSITETI I PRISHTINËS  
"HASAN PRISHTINA"  
UNIVERSITY OF PRISHTINA

Rr. Xhorxh Bush, Ndërtesa e Rektoratit, 10 000 Prishtinë, Republika e Kosovës  
Tel: +381 38 244 183 • E-mail: rektorati@uni-pr.edu • www.uni-pr.edu

Nr. Prot.: \_\_\_\_\_

Datë: \_\_\_/\_\_\_/\_\_\_\_\_

Senati i Universitetit të Prishtinës në mbledhjen e mbajtur me datë 30.11.2017, bazuar në nenin 122 të Statutit të Universitetit të Prishtinës, nenin 7 të Rregullores për studime të doktoratës, dhe Vendimit nr. 2/111 të datës 2.9.2016 për plotësim ndryshim të nenit 7, pikës 1 të paragrafit 4 të Rregullores për studimet e doktoratës nr. 1/775 të datës 9.9.2014 shpall:

## KONKURS

### *për pranimin e studentëve në studimet e doktoratës për vitin akademik 2017/18*

1. Universiteti i Prishtinës në studimet e doktoratës në vitin akademik 2017/2018 do të pranojë **122** studentë.
2. Si shtesë e numrit të përgjithshëm të përcaktuar si në paragrafin 1, bazuar në UA nr. 09/2016 MASHT-it, Universiteti do të regjistrojë deri në 12 %, përkatësisht deri **15** studentë të rregullt nga komuniteti jo-shumicë. Kuota prej **12%** të vendeve të rezervuara për regjistrim të studentëve nga komuniteti jo-shumicë do të shpërndahet në mënyrë proporcionale sipas përqindjes së numrit të përgjithshëm të studentëve për secilin departament apo program të fakulteteve veç e veç.

Nr.	Njësia akademike	Programi	Për studime të rregullta	Kandidatë nga komunitetet jo-shumicë	Propozimi I KQSD
<b>Gjithsej</b>	<b>Fakulteti i Filozofik</b>		<b>6</b>	<b>1</b>	
<b>1</b>		1. Histori	6	1	Programi është i akredituar. Në kohën e akreditimit, AKA nuk caktonte numrin e studentëve.
<b>Gjithsej</b>	<b>Fakulteti i Shkencave Matematike Natyrore</b>		<b>10</b>	<b>1</b>	
<b>2</b>		1. Kimi	5		
		2. Biologjia e organizmave dhe Ekologji	5	1	Programet janë të akredituara. Numri i studentëve është sipas vendimit për akreditim. KQSD e rekomandon pa ndryshime.
<b>Gjithsej</b>	<b>Fakulteti i Filologjisë</b>		<b>17</b>	<b>2</b>	
<b>3</b>		1. Gjuhësi	10	1	
		2. Letërsi	7	1	Programet janë të akredituara. Numri i studentëve është sipas vendimit për akreditim.

<b>Gjithsej</b>	<b>Fakulteti Ekonomik</b>		<b>50</b>	<b>6</b>	
<b>4</b>		1.Marketing	10	1	Programet janë të akredituara. Në kohën e akreditimit, AKA nuk cakton numrin e studentëve.
		2.Banka, financa dhe kontabilitet	15	2	
		3.Menaxhment dhe informatikë	15	2	
		4.Ekonomiks (anglisht)	10	1	
<b>Gjithsej</b>	<b>Fakulteti i Mjekësisë</b>		<b>31</b>	<b>4</b>	
<b>5</b>		1.Biomjekësi eksperimentale	3	0	Programet janë të akredituara. Numri i studentëve është sipas vendimit për akreditim.
		2.Shëndet publik	3	1	
		3.Mjekësi para klinike	5	1	
		4.Mjekësi klinike	10	1	
		5.Stomatologji	10	1	
<b>Gjithsej</b>	<b>Fakulteti i Edukimit</b>		<b>7</b>	<b>1</b>	Programi është i akredituar. Numri i studentëve është në përputhje me vendimin për akreditim.
<b>Gjithsej</b>		<b>15 Programe</b>	<b>122</b>	<b>15</b>	

### **I. Kushtet e konkursit**

- (1) Të drejtë konkurrimi për regjistrim në studimet e doktoratës kanë kandidatët që kanë përfunduar studimet në Fakultetet-Programet përkatëse.
- (2) Në studimet e doktoratës shkencore nuk mund të regjistrohen të diplomuarit në master profesional,
- (3) Kandidatët duhet t'i plotësojnë kriteret si në vijim:
  - 3.1. Të diplomuarit para hyrjes në fuqi të studimeve sipas Deklaratës së Bolonjës, të cilët duhet të jenë magjistra të shkencës përkatëse;
  - 3.2. Të diplomuarit pas hyrjes në fuqi të studimeve në bazë të deklaratës së Bolonjës – niveli i studimeve master shkencor;
  - 3.3. Të diplomuarit që kanë së paku 300 kredi European Credit Transfer System (ECTS);
  - 3.4. Kandidatët me notë mesatare jo më të ulët se 8.00 në secilin nivel të studimeve paraprake veç e veç;
  - 3.5. Kandidatët të cilët e kanë dëshminë për njohjen e një gjuhe të huaj botërore (anglisht, gjermanisht, frëngjisht ose gjuhë tjetër botërore) nga institucioni i autorizuar (fakulteti përkatës ose institucionet e akredituara).
- (4) Kriteret e vlerësimit të kandidatëve përfshijnë: suksesin në shkollim gjatë studimeve, interesin e treguar për kërkime shkencore/artistike, punimet e botuara, rekomandimet e dy profesorëve nga lëmi përkatës dhe propozimin e lëmit – fushës së hulumtimit. Intervista me kandidatin është obliguese, por nuk vlerësohet me pikë. Gjatë regjistrimit përcaktohen qartë të gjitha kushtet e domosdoshme për përfundimin e studimeve në kohën e paraparë.
- (5) Kriteret e përcaktimit të përparësisë në radhitje përzgjedhëse janë:

5.1	<p>5.1.1. Nota mesatare gjatë studimeve themelore/baçelor dhe Master ka një vlerë maksimale prej 40 pikëve (që shpërndahet përpjesëtimisht: 20 pikë maksimale për notën mesatare në studime themelore dhe 20 pikë maksimale për notën mesatare në studime Master), të cilat pikë llogariten në mënyrën e përcaktuar si në pikën a), b), c) dhe d) të këtij paragrafi:</p> <p>Kriteret e përcaktimit të përparësisë në radhitje përzgjedhëse janë:</p> <ol style="list-style-type: none"> <li>Nota mesatare gjatë studimeve themelore/baçelor është e barabartë me numrin e pikëve (p.sh.: nota mesatare 8.49 e barabartë me 8.49 pikë);</li> <li>Nota mesatare gjatë studimeve master ose ekuivalente me master është e barabartë me numrin e pikëve (p.sh.: nota mesatare 8.49 e barabartë me 8.49 pikë);</li> <li>Nota mesatare për studimet e përcaktuara si në pikën a) dhe b) të këtij paragrafi, shumëzohet me dy (p.sh. nota mesatare 8.49 x 2 e barabartë me 16.98 pikë).</li> <li>Programet studimore të cilat e kanë nivelin e parë dhe të dytë të integruar, nota mesatare e studimeve shumëzohet me katër (p.sh.: nota mesatare 8.49 x 4 e barabartë me 33.96 pikë);</li> </ol> <p>5.1.2 Magjistratura nga lëmi shkencor ose specializimi nga lëmi i ngushtë shkencor vlerësohet me 5 pikë (Sistemi i vjetër i shkollimit-magjistër i shkencave);</p> <p>5.1.3 Aktiviteti kërkimor – shkencor, siç dëshmohet me botimet dhe prezantimet si në vijim, vlerësohet me një vlerë maksimale deri në 35 pikë:</p> <ol style="list-style-type: none"> <li>Për çdo artikull të publikuar në pesë vjetët e fundit dhe të indeksuar në <i>Current Contents</i>: autori i parë/korrespondent 5 pikë, të tjerët 2 pikë.</li> <li>Për çdo artikull të botuar në pesë vjetët e fundit në revista të tjera ndërkombëtare të indeksuara: autori i parë 3 pikë, të tjerët 1 pikë.</li> <li>Për çdo artikull të publikuar në pesë vjetët e fundit në revista akademike vendëse, që botohen nga Universiteti i Prishtinës ose nga qendrat apo institutet e tij, nga Akademia e Shkencave dhe e Arteve të Kosovës, nga Instituti Albanologjik dhe nga Instituti i Historisë, dhe që përdorin vlerësimin ose vlerësimin nga kolegët e fushës: autori i parë 2 pikë, të tjerët 1 pikë.</li> <li>Për libër universitar të botuar në pesë vjetët e fundit nga lëmi i ngushtë: autori ose bashkautori 5 pikë gjithsej.</li> <li>Për çdo prezantim gojor të punimit në pesë vjetët e fundit në tubime (konferenca, kongrese, simpoziume) ndërkombëtare shkencore të indeksuara dhe të botuar në përmbledhjen e punimeve: autori i parë 2 pikë, të tjerët 1 pikë.</li> <li>Për çdo prezantim në formë afisheje të punimit në pesë vjetët e fundit në tubime (konferenca, kongrese, simpoziume) ndërkombëtare shkencore të indeksuara dhe të botuar në përmbledhjen e punimeve: autori i parë 1 pikë, të tjerët 0.5 pikë.</li> <li>Për çdo prezantim gojor në pesë vjetët e fundit në tubime (konferenca, kongrese, simpoziume) shkencore me karakter vendës: autor i parë 1 pikë, të tjerët 0.5 pikë.</li> </ol>	<p><b>Pikët nga suksesi paraprak, punimet dhe aktivitetet shkencore max deri në 40 %.</b></p>
-----	---	---

5.2	<p><b>Provimi pranues:</b></p> <p>5.2.1 <b>Fakulteti Filozofik</b></p> <p>a. <b><u>Programi Histori</u></b> - Njohuri nga Historia e Kohës së Vjetër, Historia e Kohës së Mesme, Historia e Kohës Moderne, Historia Bashkëkohore. 20 % e vlerësimit vjen nga provimi pranues, 20 % nga njohja e gjuhës së huaj dhe 20 % nga projekti hulumtues i prezantuar.</p> <p>5.2.2 <b>Fakulteti i Shkencave Matematike-Natyrrore</b></p> <p>a. <b><u>Për programin Kimi</u></b>, provimi pranues do të organizohet nga këto lëndë: Kimi inorganike, Kimi organike me biokimi, Kimi analitike dhe Kimi fizike.</p> <p>b. <b><u>Për programin Biologji e Organizmave dhe Ekologji</u></b>, provimi pranues do të organizohet nga këto lëndë: Botanikë, Zoologji, Mikrobiologji dhe Ekologji.</p> <p>c. 80 pikët e vlerësimit vijnë nga provimi pranues, ku përfshihet edhe projekti hulumtues dhe 20 pikë nga njohja e gjuhës së huaj, që në total janë 100 pikë. Të njëjtat kur shumëzohen me koeficientin 0.6 japin maksimumin prej 60% të pikëve.</p> <p>5.2.3 <b>Fakulteti i Filologjisë</b></p> <p>a. <b><u>Programi Gjuhësi</u></b>, provimit pranues nga fusha e Gjuhësisë</p> <p>b. <b><u>Programi: Letërsi</u></b>, provimi pranues nga fusha e Letërsisë,</p> <p>5.2.4 <b>Fakulteti Ekonomik</b> Provimi pranues do të mbahet nga këto lëndë:</p> <p>a. <b><u>Në programin: Banka dhe Financa</u></b>, 1. Mikroekonomia 2. Statistikë dhe Ekonometri 3. Corportate finance</p> <p>b. <b><u>Në programin: Menaxhment dhe Informatikë</u></b>, 1. Mikroekonomia 2. Statistikë dhe Ekonometri dhe 3. Management and Organizational Behaviour, 11th Edition. (Laurie J. Mullins).</p> <p>c. <b><u>Në programin: Marketing</u></b>, 1. Mikroekonomia 2. Statistikë dhe Ekonometri dhe 3. Customer behaviour.</p> <p>d. <b><u>Në programin: Ekonomiks- i akredituar për Gjuhë Angleze</u></b>, 1. Mikroekonomi 2. Makroekonomi dhe 3. Statistike dhe Ekonometri.</p> <p>e. Provimi pranues do të organizohet edhe në gjuhën angleze, f. Kandidatët të cilët posedojnë Certifikatë TOEFEL (Ose Ekuivalent me TOEFEL), me minimum 75 pikë nuk kanë nevojë të hyjnë në provim në gjuhë angleze.</p>	Pikët nga provimi pranues deri në 60%
-----	---	---------------------------------------

	<p>5.2.5 <b>Fakulteti i Mjekësisë</b></p> <p>a. Provimi pranues do të organizohet në gjuhën angleze nga metodologjia kërkimore-shkencore e fushës së mjekësisë.</p> <p>5.2.6 <b>Fakulteti i Edukimit</b></p> <p>a. Provimi me shkrim do të organizohet nga gjuha angleze (20 %) dhe nga metodologjia kërkimore që organizohet po ashtu në gjuhën angleze (40%).</p> <p>b. Të drejtë konkurrimi për regjistrim në studimet e doktoratës kanë kandidatët të cilët kanë përfunduar studimet BA/Bsc dhe MA/Msc, në fushën e edukimit (duke përfshirë edhe drejtimet arsimore në fakultetet e tjera), dhe pedagogjisë.</p> <p><b>(6) Pragu i kalueshmërisë për të gjitha programet e studimeve të njësive akademike, është 50% i pikëve në secilin pjesë të provimit pranues.</b></p>	
	<p>(7) Njohuria e gjuhës angleze ose gjuhës së huaj botërore, relevante për fushën e studimit, deri në 20 pikë maksimale.</p> <p>(8) Në kushte të barabarta, përparësi i jepet kandidatit që është staf i rregullt i UP-së.</p>	

- (9) Senati i Universitetit, me propozimin e njësive akademike dhe pas shqyrtimit në Këshillin qendror të studimeve të doktoratës, merr vendim përfundimtar për pranimin e studentëve në studimet e doktoratës. Emrat e kandidatëve të pranuar, me të gjitha të dhënat e kritereve të përzgjedhjes, shpallen publikisht në ueb-faqen e njësive akademike dhe në ueb-faqen e Universitetit.
- (10) Studimet e doktoratës zgjasin jo më pak se tre vjet, por, për shkaqe të arsyeshme, e për të cilat vendos Këshilli i studimeve të doktoratës, mund të vazhdojnë deri në pesë vjet. Për studentët që e kanë mbaruar magjistraturën shkencore dhe të cilët vazhdojnë studime të doktoratës në lëmin e njëjtë mund të transferojnë deri në 1/3 e numrit të përgjithshëm të kredive të parapara. Për transferimin e kredive vendos Këshilli i doktoratës i njësive akademike, në bazë të kërkesës së kandidatit. Pas kalimit të afatit prej pesë vjetësh nga dita e regjistrimit, doktoranti e humb të drejtën për mbrojtje të punimit të doktoratës, përveç nëse Senati i UP-së, me propozim të KQSD-së dhe duke u bazuar në një arsyetim të dëshmuar të kandidatit, merr vendim tjetër. Nëse kandidatit i vazhdohet afati i kohëzgjatjes së studimeve, atëherë ndaj tij/saj do të aplikohen rregullat e përcaktuara sipas rregullores për studimet e doktoratës e cila është në fuqi.
- (11) Kandidatët do t'i nënshtrohen testit në gjuhën angleze. Përrjashtim do të bëhet vetëm për kandidatët të cilët posedojnë certifikatë TOEFL, IELTS.
- (12) Studimet e doktoratës, kanë statusin e studimeve të rregullta.

## **II. Dokumentet e nevojshme për aplikim**

Me rastin e aplikimit, kandidatët duhet t'i sjellin dokumentet origjinale si në vijim:

- certifikatën e lindjes
- diplomën dhe certifikatën e notave nga nivelet e studimeve paraprake në studimet Bachelor, Master ose Magjistratura shkencore, ndërsa për Fakultetin e Mjekësisë diplomën dhe certifikatën e notave nga niveli i studimeve themelore (5-6 vjeçare);
- kandidatët që kanë kryer shkollimin jashtë Republikës së Kosovës, duhet t'i nënshtrohen njohjes së diplomës më qëllim vazhdimi të studimeve duke ndjekur procedurën sipas Statutit të Universitetit të Prishtinës,
- një biografi me punimet shkencore të publikuara,
- rekomandimet e dy profesorëve nga lëmi përkatës i hulumtimit.
- fletëpagesën prej 2.5 eurosh (pagesa bëhet në bankë).

Komisioni pranues do të emërohet nga Këshilli i njësisë përkatëse akademike.

### III. Afatet e konkursit

- Konkursi hapet nga data **08.12.2017** deri me **21.12.2017**. Paraqitja e dokumenteve bëhet në Fakultetet përkatëse. **Të gjitha dokumentet duhet të dorëzohen të skanuara dhe të kopjuara në CD**. Aplikimi elektronik në: apliko.uni-pr.edu
- Provimi pranues mbahet me datë **27.12.2017** nga ora 10.00, informata shtesë për sallat e mbajtjes së provimit pranues, do të publikohen më vonë në ueb faqe të fakultetit përkatës.
- Intervista me kandidatë do të mbahet me datë **28 dhe 29.12.2017** nga ora 10.00.
- Rezultati preliminar do të shpallet me datë **04.01.2018**.
- Ankesat e kandidatëve të papranuar do të pranohen me datë **05 dhe 09.01.2017** deri në ora 15.30. Vendimi përfundimtar rreth ankesës merret nga Komisioni për doktorata i njësisë përkatëse akademike.
- Senati i Universitetit, me propozimin e njësisë akademike dhe pas shqyrtimit në Këshillin qendror të studimeve të doktoratës, merr vendim përfundimtar për pranimin e studentëve në studimet e doktoratës. Emrat e kandidatëve të pranuar, me të gjitha të dhënat e kriterëve të përzgjedhjes, shpallen publikisht në uebfaqen e njësive akademike dhe në uebfaqen e Universitetit.
- Data e regjistrimit të kandidatëve të pranuar do të publikohet pas vendimit përfundimtar të Senatit.

Studimet e doktoratës për studentët e regjistruar në vitin akademik 2017/18 do të realizohen në përputhje me Rregulloren në fuqi të miratuar nga Senati me vendimin nr. 1/775 të datës 09. 9. 2014 dhe Vendimit nr.2/111 të datës 2.9.2016 për plotësim ndryshim të nenit 7, alinesë 1 të paragrafit 4 të Rregullores bazike nr. 1/775 të datës 09. 9. 2014.